

達摩寶傳

聚珍閣印刷局承印

民國甲戌仲秋月

達摩寶傳

## 達摩寶傳叙


達摩寶傳。釋氏遺文。通達之謂廣大之稱括。盡要道至德。不外三教正理。鋤完異端邪術。以及四果旁門。乃修性了命之至道。至在有情下種。爲返本還原之真經。道在順死逆。生寔無愧。西天廿八菩提尊。遵奉天命。茲以爲東林第一達摩祖。接續道根。口授心法。不在文字經中論。性悟神運。勿許形色身外尋。三皈五戒。作修道之把柄。一花五葉。留收圓之定憑。初度武帝不識。由宿孽以未盡。次指神光大悟。幸續燈而有人。受胭脂以偈言。因釣坎陽。必用離陰爲導引。收宗橫而改正。凡度後學。全賴先生以曲成埋履。過江設殿。一切變端。本老祖神通顯應。受辱含齒。拜師幾番。忍耐喻後世。低心化人。縱有不明度人之師尊。不知訪道之學人。莫不以此爲見識。而有靈機巧性生。真傳道妙用。真求道良箴。望讀是書。身體力行。句句芟心中之荒蕪。言言破天下之迷津。揣辭撥開迷人網。求道悟透死與生。無塵無垢。功圓預知時至。有道有德。果滿自覺期臨。誠爲救命仙丹。度世佛艇。真正輔世道書。惜無善錢。僕本迂拙。缺少見聞。初越陝西。始獲上冊殘篇。繼遊填南。復得下卷簡文。不堪鄙意補正。彙集一部刊成。以期同登道岸。共出

遠摩寶傳序

迷津。是幸。歲甲寅夏悟真子叙於退省所。

## 記心印來歷

嘗思性根命蒂。道有體用。木本水源。道有由來。無極以生太極。老君而化釋迦。佛一脈流傳。世世承接。天大道根也。然達摩爲西天二十八祖者。然釋迦佛一脈流傳。世世承接。代仔肩其緒耳。夫佛出自西域竺乾國。父白淨梵王。后摩耶氏。秉性慈善。老子見愛。分性放光。國母見光。感而有孕。懷二十二載。於周昭王二十四年。四月初八日。午時降世。姓刹刼。名悉達多太子。自幼大有威德。專務清淨。時遊四門。見生老病死苦絕。欲出家修道。父母苦阻不從。誠格神人指示。踰城而出。其年一十九歲。居檀持山中。修道三載。心知有形非道。遂復學於阿藍迦。葉處三年。不得定靜。又便往蔚頭藍叅學一年。亦不明其性宗。自傷嘆不已。又得聞號燃燈古佛。頗有至道。時至中夏。周穆王二十一年。訪至東梁山。拜見燃燈。講道十三日。語下徹悟。始明萬法歸一至善之道。辭別燃燈。走滕泗二水。留雪山一宿。思其尼山靈秀所鍾。知中國文彩方盛。遂歸西方與教。自號釋迦牟尼。始知舍衛國。大開法門。著經說法。覺悟羣生。稱名曰佛。闡道說法。三十二年法付。



一 祖摩訶迦葉尊者姓婆羅門。孝帝五年持僧袈裟衣入雲南雞足山開道

二 祖佛從弟阿藍尊者。三 祖商那阿修。姓毘舍多於周昭王六年生宣王三十二年化

四 祖優波匿多。姓首陀年七十出家平王十一年逝

六 祖彌遮迦。五 祖提哆迦。七 祖婆波蜜。

八 祖佛陀難提。姓瞿曇景帝十三年寂

十 祖脇尊者。多難生處昭六年寂  
九 祖伏駄蜜多。十一 祖富那夜舍。

十二 祖馬鳴。十三 祖迦毗摩羅。行四三千法度龍衆五百般王四十一年化

十四 祖龍樹。至南印度  
十五 祖迦那提婆。始皇三十五年寂

十六 祖羅睺羅多。漢武二十八年寂  
十七 祖僧伽難提。羅筏成國王太子生而能言七歲出燕寂

十八 祖伽夜舍那。十九 祖鳩摩羅多。月氏婆羅門子

二十 祖闍夜多。新峯十四年寂  
廿一 祖婆修盤頭。

廿二 祖摩挈羅。廿三 祖鶴勒那。姓婆羅化中邛工說法

祖廿四 師子。

比丘尊者姓婆羅門至眉賓國見多拳生手曰年還我珠處問拳珠衆驚示偈

祖廿六 不如蜜多。

祖廿五 婆金斯多。

祖廿七 般若多羅。

祖廿八 菩提達摩。

菩提達摩尊者。為西天二十八心印之祖。作東林初代道統之尊。聊記來歷。明賢再證。

達摩寶傳



# 達摩寶傳上卷

悟真子補述

陳士紳校閱  
錢紫芙

謝學愚恭書

偈曰

達天通地一部文。

摩訶揭諦度衆生。

寶秘諸仙五千道。

卷隱如來三藏經。

讚曰

達摩慈悲寶卷傳。

諸佛菩薩下九天。

聞聽偈語忙護佑。

韋馱靈官排兩邊。

金爐沉檀香烟起。

法身清靜性自然。

大衆虔誠體佛語。

直超三界證涅槃。

南無皈依十方一切法佛法輪常轉度衆生。

達摩寶傳

爾時達摩老祖。乃西域南印度國界。大覺金禪。香枝國王三太子。不戀王位。看破榮華。脩成西天二十八祖。金蓮寶座。不戀聖境。悲世憫人。於天界元年。過東土。傳立空妙用度人。不尚文字。只口傳心授。因見衆生不得惺悟。難識妙理。遂高駕祥雲。慧眼遙觀。見得梁武帝。善氣冲空。空中現瑞。只得落下雲頭。於梁武帝金鑾寶殿。武帝見老僧從空而來。驚疑問曰。莫非怪乎。擅敢到此。祖曰。西國人也。身藏明超聖境。不覺至此耳。武帝曰。西國到東土。有多少路程。祖曰。十萬八千里。帝曰。要多少日期可到。祖曰。吾只用半個時辰就到。帝曰。莫非神仙乎。祖曰。雖非神仙。頗有半凡半聖。帝曰。既通凡聖。可曉人之生死根源否。祖曰。知而不知。不知而知。

帝曰。幾世爲人幾世足。

幾時戒斷酒合肉。

你將甚麼報君恩。

誰人與你作眷屬。

日間化緣那裡化。

夜間歸向那裡宿。

我將八句來問你。

誰是天堂誰是獄。

老祖曰。九世爲人十世足。

離娘戒斷酒合肉。

我將經卷報君恩。

菩薩與我爲眷屬。

日間化緣千家化。

夜間歸向茅菴宿。

我將八句來回你。

我是天堂你是獄。

武帝聽得此言。心中大怒曰。你這和尚。全無道理。祖曰。我有無窮道理。你全然不識。本是你無道理。將來有何好處。帝曰。我曾修下五里一菴。十里一寺。洪闡佛道。有無量功德。你反道我是地獄。並無好處。你這野僧。單瓢執杖。乞化十方。遊食僧人。到是天堂。且有道理。又有好處。概是糊說。與我推出斬首。祖曰。斬我不得。我體掛虛空。無處下手。帝曰。你要上前三步死。退後三步亡。祖曰。我橫行三步有何妨。武帝叫兩班文武。將這和尚。帶在西廊。來日高設法臺。將四十八卷經典。疊成蓮花寶座。請他登臺講經說法。若是真僧。自然明心見性。若是假僧。自有天雷霹死。老祖聽得。心內自明。衆文武大臣。將和尚候在西廊。問曰。你這和尚。將你來由去處。對衆一表。使我等得個明白。老祖曰。衆公卿。聽開懷。我從混元一氣來。無生是我老父母。乳名叫做小皇胎。小皇胎。弟兄多。九十六億住娑婆。也有在朝爲天子。也有爲官享快樂。也有逞能誇豪富。也有處貧受奔

波。也有造孽轉畜道。也有修仙證大羅。自從寅會失散后。算有四萬餘年多。我來此。把伴約。惹得爾等笑我魔。我欲轉回西方地。又憂爾等莫下落。

老祖說罷。衆文武以爲和尚是個瘋子。各自退散。及至次日。安設已畢。請和尚登台說法。老祖將四十八卷經典。一覽皆通。只四維思尋。並不曾開言講說。帝曰。請你講經說法。如何一言不吐。祖曰。見性一轉三千卷。了意一刻百部經。迷人不識西來意。無字真經世難尋。武帝不識。反以爲狂。心中惱怒。命在右侍衛。各執玉棍。將這和尚逐出去罷。老祖曰。何必待逐。恐折爾福。餓死台城。怎得冥目。武帝越大怒。急命逐出。只見玉棍一齊打來。老祖閃出殿外。冷嘆三聲無緣無緣。且行且歌。

嘆富貴。假名利。迷人太甚。塵世上。衆星胎。概困紅塵。只知道。享紅福。勢利僥倖。全不思。有孽債。暗來纏身。梁武帝。結佛緣。人爵有分。可惜他。冤孽重。一竅不明。只憂他。福盡時。便有禍侵。將來後。冤報冤。困死台城。佛不忍。特命我。前來指惺。那知他。迷昧甚。全不思忖。莫奈何。駕法船。又往別郡。四部州。去尋訪。有緣之人。却說老祖歌畢。不免去到金陵。王舍城中。黃花山。神光在此講經說法四十九年。人天

百萬聽講。老祖到此。果見講的天花亂墜。地湧金蓮。泥牛過海。木馬嘶風。神光偶然見得新來一位和尚。不免問他一問。老僧從何而來。祖曰。不遠而來。神光曰。既然不遠。往日未見來此。祖曰。不得空閒。一要上山採靈藥。又要下海取寶珍。脩造無縫塔一座。只因功果未完成。今日偷閒來到此。聽爾慈悲講經文。神光聽這和尚說。要聽講經。即將經卷展開細說。祖曰。你說的是甚麼。神光曰。我說的是法。祖曰。法在那裏。曰。法在經書上。祖曰。墨的是字。白的是紙。如何有法。你既說紙上有法。我且畫一紙餅。與你充飢。神光曰。紙餅如何充飢。祖曰。既然紙餅不能充飢。你說的紙上佛法。怎能了得生死。本屬無益。與我拿去燒了。神光曰。我講經說法。度人無量。怎說無益。你其不是輕賤佛法。罪莫大焉。祖曰。我非輕賤佛法。乃你自己輕賤佛法。全不究佛之心印真法。執着經書說法。可謂不明佛法也。光曰。我既不明。請你來登台說法。祖曰。無法可說。單言一字耳。我西來有個一字。要須彌山爲筆。四海水磨墨。天下爲紙。難寫得下我這個一字。更難畫得下我這個形像。看又看不見。描又描不成。有人識得這一字寫得這圖形。並絲毫不能掛。方能造生死。本來無形像。四季放光明。有人識得玄中妙。便是龍華會上人。

偈曰。達摩原來天外天。不講佛法也成仙。

萬卷經書都不用。單提生死一毫端。

神光原來好講經。智慧聰明廣傳人。

今朝不遇達摩度。難超三界了死生。

達摩西來一字無。全憑心意用功夫。

若要紙上尋佛法。筆尖蘸乾洞庭湖。

神光聽畢。心中大怒。手執鐵素珠。迎面打來。遂打落老祖門牙二個。祖欲吐出。不忍此地。要遭三載大旱。祖欲吞下腹內。又恐破了五臟之戒。只得忍耐。口含齒血。往西而去。

偈曰。達摩含血不能言。那想神光認不全。

船到江邊人難度。看來有緣又無緣。

武帝神光不低心。那識西來一祖根。

這遭錯過難相遇。永叫埋沒在紅塵。

老祖出了王舍城外。將袍袖一展。其齒如故。其血淨盡。思度人難處。不免嘆道一番。

嘆旁門。有字法。信口談論。 揣習的。口頭禪。不究死生。 有脩行。他不求。佛法心印。  
有悟道。他不訪。無字真經。 一味兒。講的是。行怪素隱。 三教人。多不究。了死超生。  
假僧道。概習的。敲打唱韻。 有神光。他憑的。講說爲能。 恁講的。天花墜。難了性命。  
到頭來。更難免。十殿閻君。 舉眼觀。旁門內。無數人等。 莫幾個。窮心經。訪道脩行。  
我今日。度神光。又無緣分。 但不知。到何處。纔有緣分。  
却說老祖傷嘆已畢。遂往東緣關過。遇一婦人。名楊胭脂。便問老祖從何而來。往何而  
去。老祖曰。自西國而來。特度武帝與神光。欠緣而歸。胭脂聽說。知是有道德的和尚。便  
請老祖到家。候入經堂。請陞法座。遂行禮拜告曰。吾乃持齋多年。未得明心見性。今日  
有緣。得遇明師降臨。我今發願爲徒。求師慈悲。指示正法。弟子永不忘恩。祖曰。你今發  
願求道。事非小可。况女身垢穢多愆。要盟下海天大願。受持三皈五戒。抱穩正念。纔可。  
倘不依願而行。反遭墜落。萬劫難以超昇。當再三思而行。不可輕視。胭脂即便跪地。憑  
佛立願曰。我若得法忘師。不守皈依。半途而廢。永墜沉淪苦海。萬劫難超三界。達摩知  
是虛情。略點幾句偈語云。若在三苦求正法。單明身中動靜功。法生萬物穿三界。道包

天地遍虛空。穿骨透髓無不到。應現八方妙無窮。週流四大爲真主。內無形相外無踪。常與三家來相會。內外一體現金容。又曰。人法兩忘是真空。活撥動靜允執中。認得自家真人透。待詔飛昇極樂宮。胭脂得聞法語。記熟在心。已有數日。遂起心毒死師傅。等武帝與神光前來拜我爲師。豈不榮耀幸甚。誰知老祖早明其意。便脫隻芒鞋。寫留偈語。化作屍骸。遂隱身而去。胭脂見祖已故。急將屍骸葬了。

老祖離了東緣關。又傷嘆一番。

嘆婦女。多迷昧。不明自性。既回心。在吃齋。未究死生。全不思。五漏體。罪過太甚。因前劫。多迷昧。不曉修行。變女身。多不便。作難不盡。遵三從。合四德。聽命於人。楊胭脂。既遇我。三生有幸。就該要。求一貫。不二法門。我見他。口能言。心却不正。無字經。又豈可。輕易指陳。略得點。禪機話。以爲高幸。就想要。毒死我。當人師承。從此推。我來時。一條路徑。我去後。恐別出。萬戶千門。要找個。信心人。道統繼定。慧眼觀。四部州。並無一人。就只有。王舍城。神光可信。我再去。化不轉。枉來度人。老祖嘆畢。不忍拋棄神光。設法再度。心默一會。將數珠取下十粒。化爲十殿閻君。飄然



而至。立於神光法台之側。神光正欲登台。忽見十位秀士到此。神光問曰。各位先生係何方人氏。莫非來此聽說法乎。十位答曰。吾等乃是幽冥地府十殿閻君。並非來此聽法。因爾陽壽已滿。特來鈎取爾之生魂。神光聽說。大駭一驚曰。我曾說法度衆。四十九年。費有無窮辛苦。積有無量功德。豈還難躲閻君乎。閻君曰。今天下只有一人能躲。餘外概不能免。神光曰。此一人是誰。閻君曰。是前日來此那位黑臉和尚。得明無字真經。一貫真傳。修成天外閒人。纔躲得脫吾等之手。但凡說法修行。口頭三昧。盲修瞎煉。不求真傳。寔受修行者。但是口說能免。其寔都躲不脫。神光聽說。心中慚愧已極。悔恨自己失緣。只得跪地。向閻君面前討饒免死。好去追求達摩指示。只得俯伏哀懇。十位恍然化無。神光起身。就向蓮台一脚。踏倒蓮台。急忙起程。追趕老祖。百萬人天扯住。不忍分離而言曰。師尊一去好可憐。叫人個個淚不乾。百萬人天誰爲主。未知何日轉回還。光曰。大衆從容聽我言。一心要去求真傳。異日若能成正果。普渡衆生證涅槃。師徒恩重與情深。如何割捨兩離分。近前聽我十囑咐。各自歸家莫退心。一囑咐。皈依佛。全憑真心。莫貪恩。莫戀愛。莫爭利名。二六時。要與佛。常親常近。

四時中。焚信香。報答佛恩。  
二囑咐。皈依法。佛規嚴令。  
切莫要。起雜念。糊爲亂行。  
三囑咐。皈依僧。要學清靜。  
或靜坐。或觀空。雜念莫生。  
四囑咐。戒殺生。仁德爲本。  
方免得。地獄苦。不去轉輪。  
五囑咐。戒偷盜。以義爲本。  
我虧人。人不服。必有禍生。  
六囑咐。戒邪淫。名節爲本。  
切不可。起慾念。喪失本真。  
七囑咐。戒酒肉。清濁莫混。  
本當要。絕慾念。見性明心。

我離躲。闔君手。無明未盡。  
二六時。勤功課。依法而行。  
我離躲。闔君手。神氣耗甚。  
投佛門。守清規。別開旁門。  
我離躲。闔君手。不明自性。  
西天佛。盡都是。慈悲大仁。  
我雖躲。闔君手。冤孽太甚。  
一根草。一條線。各有主人。  
我難躲。闔君手。刻薄太甚。  
修道人。效關雎。樂而不淫。  
我難躲。闔君手。慾念不盡。  
酒性亂。肉性濁。污穢佛經。  
我難躲。闔君手。心少純靜。

勸大衆。要耐煩。牢記在心。  
這皈依。是修行。大大把柄。  
勸大衆。時存養。牢記在心。  
切莫學。有爲法。夢幻泡影。  
勸大衆。要飛相。牢記心中。  
修行人。與生靈。莫結仇恨。  
勸大衆。多放生。牢記在心。  
別人來。虧刻我。我必不忍。  
勸大衆。要厚道。牢記在心。  
恁美貌。賽西施。當作禽蠢。  
勸大衆。色是空。牢記在心。  
二六時。或念經。或是坐靜。  
勸大衆。食淡泊。牢記在心。

八囑咐。戒妄語。言而有信。守五戒。貫五常。亦貫五行。諸萬物。莫不是。由信化運。  
言忠信。行篤敬。傲惰莫生。我難躲。闔君手。憤高傲性。勸大衆。低血性。牢記在心。  
九囑咐。修紅福。富貴之物。從今後。體八德。更體五倫。吃花齋。吃月齋。隨在爾等。  
要修個。人上人。智慧光明。我要去。趕達摩。只爲性命。勸大衆。廣施濟。牢記在心。  
十囑咐。諸善人。要講德行。行大善。行小善。量力而行。有財人。要舍財。施濟莫吝。  
無財者。行方便。全憑功行。我要去。趕達摩。求指心印。仰大衆。各立功。彼岸同登。  
囑咐已畢。師徒洒淚而別。神光一心要趕達摩。心切一直趕到東緣關。遇一婦人。名楊  
胭脂。神光問道。娘子可曾見得一位黑臉和尚過去幾時。胭脂曰。前日老祖在我家住  
了七日。自病而死。我將祖尸葬於東緣關外。神光聽說。大哭不已。悔自己無緣。難遇高  
師。捶胸悲啼。胭脂曰。老祖雖死。道根還在。不必悲傷。神光聽說。方得止淚。問曰。老祖之  
道。何人所得。胭脂曰。道已盡傳與我。只要你忍耐降心。我傳你就是。神光忙頂一禮。跪  
地哀求指示。胭脂曰。道不輕傳。必要對天立願。方可傳授。光曰。修行弟子未通玄。專拜  
明師學叅禪。我若輕法難離苦。忘師性命不還原。胭脂曰。修行工夫全憑心。傳授匪人

罪不輕。穿山透海常應現。包天裹地在人身。活潑動靜養性天。千生纔得佛臨凡。貫滿乾坤憑真性。放去收來還本原。神光再三叩問身中之性命。生死之根由。胭脂曰。生死性命之原。有內外之分。內能穿骨透髓。普覆人身。應現化物。乃六門之動靜。外能穿山透海。包天裹地。貫滿十方。放去收來。動靜活潑。乃刳外真人也。金剛經云。現在過去未來心。俱不可得。人我衆生壽者相。切不可有。方纔免得輪迴之苦。脫得閻君之刑。神光曰。此等道理。我曾常時講論。望師傅我先天至道。胭脂曰。法已盡傳。再無二法。神光心中不得詳明。正在疑而未決。忽聽門外來了一位老僧。大聲叫道。東土衆生。無緣無緣。可惜把西天達摩老祖。佛駕臨東。放過去了。神光與胭脂聽見。問道。這位老師傅。你在何方。遇着達摩老祖。僧曰。我在西國來東之時。同伴二日一夜。神光胭脂。俱不深信。老僧又曰。我前日在西洋湖洗澡。又遇老祖。手執便鏟。挑隻芒鞋。身負蒲團。踏蘆過江而去。我曾問他。要向何處去。他言先度武帝無緣。反遭玉棍傷體。次度神光無緣。又被鐵珠損牙。復度胭脂。顯遭毒害。要到熊耳山。尋個住處。培體養牙。說罷而去。神光聽說。果是寔情。轉問胭脂曰。你言祖已病故。如何還在。胭脂曰。不免同去東緣關。掘墓相驗。及至

掘開一見。只有芒鞋一隻。繡得有字云。達摩西來一隻鞋。千針萬綫繡出來。東土衆生不識我。芒鞋把做死人埋。神光看畢。纔覺得達摩老祖神通廣大。變化無窮。必在熊耳山。一心遶去。拜求大道。遂拜別胭脂起程。不分星夜。至一大江。橫阻難度。神光四維觀望。並無有人。又恐老祖往別方去了。進退兩難。達摩早知其意。遂化一漁翁。來在上江把釣。神光見而呼曰。求漁翁到岸。連呼數聲時。漁翁不慌不忙。而至岸邊。神光曰。求老伯度我過江。漁翁曰。岸遠江湖深。難尋把舵人。自己寔難度。豈敢度客賓。神光曰。餘外有度否。漁翁曰。前有一老僧。踏蘆過江心。並無波浪起。借爾錯時辰。神光曰。因我錯過。悔不轉了。不知這達摩老祖。過江到山。已轉身否。漁翁曰。他在山上打座。我朝日未離此處。不見轉來。神光聽說在山。心忙似火。拜請漁翁度江。頂禮哀告不已。漁翁見得神光求達摩心切。纔能低心求度。遂接上漁舟。叫他閉目凝神。澄心靜坐。一刻而過。神光下得舟來。無物相贈。只得道勞。而許以言曰。迷時你度我。惺時我度你。有恩須當報。循還真道理。言畢告別。一直遶上熊耳山。見了達摩老祖。四禮八拜。叅駕已畢。見得老祖。端然正坐。巍巍不動。並不開言啟齒。神光只得俯伏拜告。弟子肉眼凡胎。不識老祖西

來。一切冒犯罪過。應該雷霹尸骸。伏望師尊慈悲赦罪。賜下恩來。見老祖良久不理。神光再三哀懇。言曰。神光跪地淚滿腮。望師息怒且寬懷。肉眼不識西來祖。總望師尊赦罪來。神光已懇一日。始見老祖言曰。我今開言問神光。王舍城中好道場。三藏經書憑口談。如何趕我到西方。神光曰。神光跪地不抬頭。淚濕衣衿自己憂。望師莫記前言語。別了真人無處求。神光跪懇哀求。已經一日一夜。雪積過腰。老祖憫之曰。心清靜不得清靜。意安閒不得安閒。癡心難超三界。妄意必墮深淵。神光曰。弟子並不敢癡心妄想成佛作祖。以爲高大。寔爲自己性命難了。苦海難脫。閻君難免。地獄難躲。雖是前來攪擾。出於無可奈何。望師慈悲指示。弟子勤把頭搔。祖曰。欲求正道。須去左旁。要待紅雪齊腰。方可傳授。神光悞聽。遂取出戒刀。卸下左膀。血染週身遍紅。老祖一見。大動慈悲。急將袍裙撕下一塊。塔於神光左膀。血止痛愈。嘆道。想東土衆生。既有此番心念。可受真傳。遂吩咐。要發下洪誓大願。神光曰。想父母生養大恩。殺生難報。蒙天地蓋載。日月照臨。皇王水土。師尊教誨。種種深恩。無由報答。若不誠求至道。了脫生死。答報五恩。豈不虛生一世。而落六道四生。怎能重遇奇緣。因即叩請神天鑒察。弟子求道。倘有二意。

欺師滅祖。永墮地獄。不得超生。禮曰。善哉善哉。要修端正道。須去左旁門。如何卸左膀。險些悞殘生。要紅血齊腰。無非考心誠。爾這紅袈裟。留警後世人。祖師以偈曰。吾本來東土。傳法度迷津。一花開五葉。結果自然成。見其智慧可矣。取名曰慧可。遂以如來正法眼說偈授慧可云。有情來下種。因地果自生。無情必無種。無地亦無生。說已端坐。神光語下徹悟。始知性要悟。命要傳。真上上一乘之妙諦也。即便頂禮謝恩已畢。再拜恩師慈悲。指明左旁二字。師曰。道有三千六百旁門。七十二種左道。故曰左旁。總爲術流動靜。四果之門。惟我一貫先天大道。三教合一。是爲不二法門也。神光問曰。何爲術流動靜。四果旁門。老祖曰。術者法術也。凡書符煉咒。駕霧騰雲。飛空步虛。踏罡步斗。呼雷遣將。撒豆成兵。五遁變化。降像走陰。七十二般法術。俱不能超生了死。皆非正也。流者。週流也。雲遊天涯。朝山禮像。募化十方。修寺建塔。醫卜星相。算數推測。善知過去未來。吉凶禍福。響驗如神。九流三教。諸子百家。口頭三昧。一切流道。俱不能超生了死。皆非正也。動者。行動也。凡習八段景。及搬運吐納。擦拳撫掌。晒背反睛。滾霧服氣。採鷲煉丹。服乳嚙精。站立坐跑。運氣之功。一切有作有爲。有像有形之道。不能超生了死。皆非正

也。靜者。寂靜也。凡隱菴入洞。靜坐觀空。數息止念。避穀煉形。有守泥丸。守尾閭。守穀道。守臍輪。有眼觀鼻。鼻觀心。以血心作黃庭。以肝肺爲龍虎。以心腎作坎離。有守兩乳之中。有修性不修命。有修命不修性。一切陽寡陰孤。盲修瞎煉之道。俱不能超生了死。皆非正也。更有窵深孽重之輩。雖入大道。不知天命。毫不低心。稍得一線之功。自以爲能。就要稱師作祖。分門別戶。欺世哄人。罪莫大也。怎能超昇。更非正也。子其勉之。依願而行。神光曰。左道旁門。誤人生死。罪重惡極。弟子知過必改。不敢妄行。伏望師尊將入道路徑。下手工。如何起頭。落脚。求祈指示分明。老祖曰。入道路。違皈守戒。下手工。一貫立關。起頭一三五。落脚九轉丹。神光曰。三教合一否。老祖曰。三教無二。衆生有分。要明三教合一理。當體一三五數行。神光曰。何爲一三五數。老祖曰。一者一貫也。三教合一。即人身中之萬殊歸根爲一竅。故道有抱元守一。佛有萬法歸一。儒有執中貫一。同此道也。天一生水。屬坎。眞陽陷中。不得返本。明得一竅。運離汞以灌溉。使坎鉛而上昇。水火既濟還先天。必收一身元氣。歸於一性之中。結成一粒粟米工夫。要一心不二。切忌雜念以耗散。三者三家也。一性分三。即人身中之精氣神。爲三寶。故道有三清。佛有三



皈。儒有三綱。同此道也。天三生木。屬震。真陽藏下。不得返本。明得一竅。呼西舍耶以鼓舞。使東家女兒歡會。金木合並還先天。必收三家之真寶。歸於一性之中。煉成三花聚頂。工夫要三皈清淨。切忌三厭以穢散。五者。五元也。即人身之心肝脾肺腎。爲五臟。故道有五行。釋有五戒。儒有五常。同此道也。天五生土。是中央戊己。散於上下。不得歸位。明得一竅。調運呼吸。以移戊己。二土。結成刀圭。返還先天。必收五臟之精華。歸於一性之中。煉成五氣朝元。工夫要五戒精嚴。切忌五葷以冲散。

神光問曰。何爲五葷。老祖歌曰。

這五葷。草將軍。氣味凶險。

就長這。葱蒜韭。薤同衆烟。

烟傷肺。把金氣。被他冲散。

韭傷肝。把木氣。被他耗完。

葱傷腎。把水氣。被他外趕。

蒜傷心。把火氣。被他滅烟。

薤傷脾。把土氣。被他困倦。

此五氣。受了傷。如何結丹。

修行人。戒五葷。纔是正傳。

精五戒。纔煉得。五氣朝元。

神光曰。五戒之理。弟子淺知。不得精詳。祈師剖明與弟子知之。老祖歌曰。

戒殺生。原來是。仁德爲本。

體上天。好生德。戒殺放生。

人生寅。於東土。沉埋久困。

人轉畜。畜轉人。死死生生。歷劫內。多迷昧。造過太甚。人吃畜。畜吃人。好不傷情。人得道。要回西。超生樂境。冤未報。難道說。罷了不成。必須要。放生命。孽債消盡。若不然。只恐怕。冤孽纏身。不戒殺。損天良。孽債更甚。佛雖慈。那冤孽。怎肯依行。孽迷竅。起退志。把道不信。失却了。好緣法。萬劫難尋。這劫運。從何起。仔細評論。天生物。他豈有。所殺之情。皆因爲。世上人。凶惡頑梗。毒魚蝦。傷禽獸。造孽非輕。你殺他。他殺你。解此劫運。上皇爺。按律定。降下劫運。勅魔王。四部洲。齊起蜂羣。此六字。心在下。推己及人。修行人。不惜命。罪加十分。儒忠恕。佛慈悲。道祖感應。折草木。傷氣血。都有罪定。體天心。推人心。以及物性。既成己。又成人。豈可看輕。再將那。偷盜戒。指示分明。何況於。貪口腹。害命殺生。殺生戒。理多端。難以盡論。男志外。女志內。雖是本等。戒偷盜。原來是。義氣爲甚。切莫要。存偏見。刻薄居心。守己業。不妄求。可算志人。乾與坤。總要學。端端正正。勿妄貪。勿妄取。廉潔要清。一根草。一文錢。各有受分。一縷絲。一條線。豈無主人。或做買。或做賣。存心公正。哄人財。不長久。自遭罪名。那怕他。金合銀。堆滿地境。常近身。常臨眼。毫不動心。

縱該取。毫不苟。並不朦混。  
怎比那。小人輩。一概糊行。  
暝着目。細思想。上中下等。  
不做賊。還不是。想弄錢銀。  
這財字。可算得。迷魂大陣。  
毫不貪。毫不染。涵養性真。  
戒邪淫。原來是。禮節爲本。  
須將那。廉恥兒。心窩常存。  
天地間。惟禽獸。雌雄亂混。  
若亂倫。雖是人。不如獸禽。  
進大道。皆都是。仙緣有分。  
張爲男。李爲女。轉變不停。  
修行人。貼骨親。靈山脉運。

若妄取。傷了義。背了聖人。  
塵世上。鬧轟轟。無數人等。  
概入迷。齊盤算。無有知音。  
莫說是。俗人們。利心太甚。  
從今後。嚴守戒。跳出迷津。  
功成時。遍身寶。受用不盡。  
切不可。無禁止。慾念時生。  
心開口。口問心。自嚴自慎。  
不顧羞。不顧恥。醜不堪聞。  
柳下惠。懷不亂。天良獨慎。  
老母的。皇胎子。九六原人。  
三期至。開普度。原人返本。  
本來是。一母生。如何偷情。

入佛門。修大道。皈清戒淨。  
沒一個。不貪財。不飲金銀。  
莫說是。做賊人。天良喪盡。  
修行人。亦還有。見利生心。  
修行人。二六時。勤把功運。  
吃聖飯。穿聖衣。快樂長春。  
男官貞。女官潔。猿馬拴穩。  
毫不敢。思凡情。斬絕除根。  
人爲那。萬物首。廉節要緊。  
魯男子。閉門戶。不覩美情。  
自寅會。投東土。六萬年正。  
要九六。歸家轉。同看娘親。  
既修行。把淫慾。一刀割盡。

任美貌。賽西施。對景忘情。能戒到。精微處。無踪無影。有多少。徒口說。心未體行。這念頭。衆乾坤。摸心自問。醒未覺。覺未醒。昏昏沉沉。大志人。立念頭。鐵石堅硬。復還我。本來面。性體圓明。戒酒肉。原來要。清濁莫混。五百戒。酒爲頭。爾莫看輕。食醉了。似瘋顛。迷而不惺。開口罵。舉手打。虐卑慢尊。酒醒來。縱後悔。悔亦遲甚。酒無量。不及亂。至聖存心。常畏懼。似狼虎。蛇蝎毒很。成佛仙。在掌中。有何不能。觀外面。或像是。悟道形影。察其寔。敗道的。都是邪淫。只害的。屍堆山。脫骨如嶺。常記着。空於色。惟在有恒。這淫戒。非兒戲。須當謹慎。除香味。斷美餚。去濁留清。那酒兒。雖是水。毒氣甚很。喪廉恥。失德行。暴氣凶橫。也不管。高和低。生死性命。何不如。早立志。酒不沾唇。况酒是。穿腸毒。三寶傷損。戰兢兢。如臨淵。如履薄水。這淫戒。是首魔。敗道總病。視內景。暗窩藏。不如畜牲。生於色。死於色。如夢不醒。仙佛根。墮塵沙。好不心疼。久行持。無人我。四相皆淨。再將那。酒肉戒。略說分明。切莫要。貪口腹。迷真亂性。連三杯。入腹內。面紅心昏。那時節。亦不論。諸親人等。惹下了。包天禍。法不容情。效禹王。惡旨酒。肯把善信。有敗國。與亡家。招禍總根。

俗人們亦當要。戒之則慎。念不絕也。難免亂了心神。若無功。解他冤。陰司候等。人吃他。要人還。不是虛情。既悟道。要將那濁氣去盡。逢着人。切不可言談虛情。世俗人。一概的花言巧論。貌慈悲。心毒惡。佛口蛇心。只圖他得飽煖。方便安穩。歸陰曹。割心肝。定拔舌根。逢着人。講的是孝弟忠信。愚勸賢。惡化善。挽轉人心。天與地。合萬物。依信爲本。

又何況。守清暇。立志修行。那肉鞏。雖說是美味上品。老閻君。來判斷。八兩還斤。人稟受。天地的。清風成性。濁氣除。纔悟得。清氣上昇。言有典。行有則。忠信篤敬。說是風。便是雨。妄哄衆人。舌如刀。殺的人。無處逃遁。那管人。苦合甜。全不思尋。修行人。語無妄。言而有信。談禮義。叙廉恥。善化人民。每一方。能勸得。人人遵信。若無信。那裡有。世界人倫。

莫說是。飲甜酒。不甚要緊。要有功。超度他。纔敢食吞。肉字體。兩個人。是何情景。那畜物。稟天地。濁氣而生。第五要。戒妄語。言寔爲本。來得清。去得明。免有疑生。東說好。西說歹。好歹說盡。意似箭。斬的人。老少離分。在陽間。使刁乖。由他糊混。將花言。合巧語。一並除清。逆勸孝。淫勸貞。邪人勸正。無邪匪。無凶橫。自見清平。天有信。日月星。報信斗柄。

地有信。水火風運信崑崙。年有信。四時內。寒暑凍冷。月有信。逢朔望。不差毫分。日有信。十二時。子午爲準。時有信。每一時。八刻五分。卦有信。乾與坤。坎離爲定。信屬土。貫五常。一貫五行。天合地。年月日。憑信化運。那萬物。與人民。應信所生。生生化。化生生。各有一信。若無信。化不化。生也不生。這五戒。要精嚴。五行合並。更必要。三花聚。三厭除清。

神光曰。何爲三厭。祈師指明。老祖曰。

這厭字。昔倉聖。造作明鑑。將日子。安之在。四陰中間。上橫陰。下月陰。左撇右犬。這就是。名天狗。日月食完。這三厭。削三花。原屬三件。有飛禽。身橫飛。天厭根源。那走獸。身橫走。此名地厭。那水族。名水厭。橫遊水間。修行人。煉純陽。陰氣莫犯。那五穀。身直長。立地頂天。况三厭。屬幻體。食之可慘。煉三花。守三皈。纔是真傳。神光曰。這三皈之理。弟子只知大概。不得詳明。求師指示一番。老祖歌曰。皈依佛。發慈悲。常清常淨。勤參悟。本來面。無字真經。不貪那。富與貴。世俗浮景。不戀那。恩與愛。紅塵美情。將酒色。與財氣。一刀斬盡。學一個。大丈夫。跳出凡塵。

人打我。不還手。彌陀念定。  
嫉妬我。只當是待我有情。  
逢着人。談善言。諄諄告訓。  
不能學。佛行持。怎麼超生。  
有形像。是後天。即有損壞。  
觀自在。行般若。轉運法輪。  
真中假。假中真。真如自靜。  
再把那。皈依法。講來細聽。  
上待下。要慈悲。依規示訓。  
閒坐時。如泰山。守定黃庭。  
誦真經。除雜念。神氣交並。  
學低心。學下氣。慮以下人。  
驕傲心。滿假心。一概除盡。

人罵我。不還口。哈哈連聲。  
誹謗我。我只是。良言相敬。  
分賢愚。因人訓。見機生情。  
佛佛佛。原來是。塵緣拋盡。  
無爲體。合太虛。那有死生。  
精化氣。氣化神。妙義難論。  
纔算得。孝兒童。與佛有因。  
皈依法。要點貼。法則莫紊。  
下諫上。依禮行。莫亂章程。  
神佛堂。宜潔淨。諸佛歡幸。  
調賢良。設法度。計隨心生。  
談道時。莫嬉笑。不可爭論。  
奸貪心。詭詐心。丟九霄雲。

他害我。只當是。他把我敬。  
欺壓我。我額外。把他欽尊。  
常窮究。古仙佛。是何動靜。  
並非是。雕塑的。有像有形。  
行坐臥。二六時。莫離方寸。  
神還虛。虛還無。性光通靈。  
此乃是。皈依佛。指示爾等。  
循規矩。講禮義。洗滌身心。  
行動間。立品格。衣冠要正。  
四時香。要虔誠。性透神明。  
見道友。要謙和。禮必恭敬。  
先天道。理無窮。各有淺深。  
慳吝心。刻薄心。掃除乾淨。

嫉妬心。是非心。不可稍存。  
積高心。執着心。丟去莫吝。  
存一個。鐵石心。拔萃超羣。  
言心法。也不是。呼雷顯應。  
空空空。不落空。空乃爲真。  
鉛投汞。坎離交。金木合並。  
跨仙鶴。顯法像。無憂無驚。  
皈依僧。皆因是。不戀俗景。  
把塵垢。速洗了。悟透死生。  
無根種。受佛心。法無把柄。  
又或是。思家務。常不安甯。  
一天天。忙到晚。無有安靜。  
想修行。又不能。打坐念經。

名利心。恩愛心。不積方寸。  
論修行。無人我。中國一人。  
外法則。一言兒。講之不盡。  
也不是。呼風雨。遣將遣兵。  
上丹時。心要死。真是調運。  
三花聚。五氣朝。養育聖嬰。  
此名爲。真法則。余今指醒。  
正其心。誠其意。穩步而行。  
悟道人。識得破。真假路徑。  
進了道。意不專。圖務虛名。  
又怕飢。又怕寒。又怕受緊。  
老與少。兒合孫。概挂在心。  
這等人。真來是。糊塗愚蠢。

酒色心。財氣心。總要除根。  
不畏苦。不畏難。勇力前進。  
再將那。心傳法。成聖指明。  
法法法。原無法。法乃自性。  
子午針。上下對。前降後昇。  
結一顆。黍米珠。脫凡成聖。  
再將那。皈依法。略叙其情。  
做一個。大丈夫。不畏苦困。  
是與非。邪與正。好歹自明。  
又或是。想利息。苦把錢掙。  
放的賬。又恐怕。收不回程。  
每日裏。受勞碌。憂心耿耿。  
既惡濕。而居下。是誠何心。



豈知道。皈依僧。念頭去盡。戀恩愛。貪家財。何爲皈依。論皈依。心在塵。心無塵。混。雖居俗。不累俗。各有一能。二六時。忙偷閒。鬧中來靜。身在俗。性天中。毫無俗情。僧與俗。分疆界。兩條路徑。清與濁。不分开。怎望功成。囑賢良。速醒悟。迴光自問。要怎樣。纔脫離。苦海深坑。論內功。僧乃是。真人名姓。勤參悟。纔能明。其中妙音。運呼吸。調真息。出立入牝。甘露水。潤百脉。藥苗自生。眞陽動。透三關。轉至五頂。有黃婆。爲媒證。嬰姪相親。蜜綿綿。妙難言。無限樂景。結一粒。九曲珠。毫光騰騰。這三皈。修行人。奉爲標準。將三寶。煉一片。一字金丹。神光曰。這一字精微之道。祈師詳指。老祖曰。這一字。無極中。一點靈性。是西天。大聖人。骨隨眞經。三界中。概由於。一字生成。這一字。安天地。兩儀判定。這一字。生三寶。三教綱領。統三才。立三界。撐住乾坤。這一字。分四季。秋夏冬春。這一字。生五穀。五氣化運。這一字。生六米。六氣分性。按六爻。化六畜。六道轉輪。這一字。生七孔。又生七政。

每一方。立七宿。北斗七星。

這一字。生八卦。八大神聖。

分八方。制八海。八部龍神。

這一字。生九江。九曲珠定。

分九宮。有九關。九轉丹成。

這一字。生十千。十佛掌定。

按十方。又制下。十殿閻君。

這一字。從無極。先天化運。

生千佛。並萬祖。無數真人。

生星斗。生山河。草木萬姓。

那一樣。不是這。一字發生。

說不盡。這一字。玄機蘊妙。

人得一。萬事畢。無死無生。

老祖吟畢。神光喜不自禁。這一字先天大道。有無邊造化。不覺心明神暢。忽又想起祖言。一三五數之道。精微之理。自覺歸於河圖。天之生數。還有地之生數。二四之理。但未詳識。求師慈悲指示。與弟子知之。老祖曰。一三五數。合而爲九。易曰。陽用九。二四數。合而爲六。易曰。陰用六。九者屬陽。有輕清之氣。上浮爲天。六者屬陰。有重濁之氣。下凝爲地。故修道君子。要去濁留清。三教聖人。只用一三五。合九之數。而不用二四合六之數。天堂地獄。善超惡墮。其理昭明。旁正亦可知矣。神光曰。二四之理。怎樣分別。祖曰。二者。心猿意馬也。四者。眼耳鼻舌四相也。二四合爲六根。生於六賊。化出六塵。因有六道輪迴。即人道二畜道四也。夫人之真性。在母腹先天之時。與母一氣相通。那時心意聚會。

四相和合。只有一竅而通三寶。五元混合一體。能動而不能言。及至十月胎足。瓜熟蒂落。一個筋斗下地。脫下胎中襖。剪斷臍帶根。先天氣收。後天氣接。叫苦一聲。因何故落於苦海。難歸根苦海者。卽眼耳鼻舌。爲四大苦海。性從眼耗。墮於卵生。性從耳散。墮於胎生。性從鼻散。墮於濕生。性從口散。墮於化生。再加心意一動。而生六欲。惹出六塵。一片重濁之氣。凝爲地獄。人轉畜。畜轉人。生生死死。輪迴不停。故曰。人之初。性本善。性相近。習相遠者。此也。

偈曰。

皈戒法語叙清。

點爾一竅靈明。

三心四相齊掃。

十惡八邪除清。

三寶煉成一品。

六賊收來歸根。

呼吸通歸一竅。

出入玄牝二門。

從此超脫苦惱。

那怕十殿閻君。

此是神仙之道。

行住生臥留心。

神光曰。承師超度。受弟子百拜。再懇慈悲。求指三關九竅。又在何處。師曰。三關九竅。豈尋常。能避十殿老閻王。抽交換象。非小可。你今初進。莫思量。又云。此道名爲最上乘。能度凡骨化仙真。真性一點超三界。十方萬靈盡歸根。神光曰。願聞性命二字根原。二六

又在何處安身。

祖曰。

睡處山間石島。

霎時飛海騰空。

坐處常明不夜。

行處海量寬宏。

運行日月甲子。

證明佛道之宗。

朝暮東昇西降。

子午南北相通。

歸來黃庭安養。

恍惚妙用無窮。

須要用心追取。

不可大意放鬆。

云又若要頓超三界。

單聞空中霹靂。

一點靈光舍利。

水火不能焚溺。

偈 人身中華最難生。

道場佛法最難聞。

曰 既得人身聞大道。

務必早煉早超昇。

夫性命者。陰陽也。在天為日月。在地為水火。在虛空為風雲。在方為南北。在時為子午。在卦為坎離。在人身為性命。天無日月。不能懸星掛斗。地無水火。不能養活生靈。虛空無風雲。人民不得清泰。方無南北。四方怎能安甯。卦無坎離。水火怎得昇降。時無子午。晝夜怎得分明。人無性命。週身無有主持。離了陰陽。萬物從何而生。神光曰。何為高明配天。博厚配地。祖曰。乾為天。坤為地。在先天之時。天位於上。地位於下。一離母腹之後。

臍帶一斷。一聲啼哭。四相打開。乾坤顛倒。乾失中爻之陽。血爲離。離者離也。離了先天之家鄉。何日返本也。坤得乾中之陽。而爲坎。坎者陷也。一點真陽。陷於後天。丹田不得還原也。博厚者。重濁之氣也。將離火中之真陰。運送於坎。換出真陽。使真陰並凝。而爲坤地。極其博厚。高明者。輕清之氣也。將坎水之真陽。吸昇於離。換出真陰。便真陽並結而爲乾天。極其高明。配天配地。使天地定位。返本還原。天是性之主。地是命之賓。人能常清靜。天地悉皆歸。煉得陰陽合於一。不爲天地造化奪。天地不能拘束我。那有十殿老閻羅。打開四方靈山路。逍遙自在古觀音。有人識得造化理。便是靈山會上人。爲說偈曰。

腹內運真經。泥丸別主賓。霹靂一聲響。撒手脫紅塵。神光聽說。纔知生死性命根由。喜不自禁曰。虧我說法數十年。不曾悟得這根原。自今覺得玄妙理。纔知紙經不值錢。老祖曰。經者徑也。引人入道修行之路徑。望人惺悟。叅師訪道。得道之後。以經爲考金之石。明其道之真僞。理之是非。以分旁正。并非教人念誦。以了生死。講說以躲闖君真經。不在書紙文字。只在口傳心授耳。汝今既授真傳。可知六神朝宗否。神光曰。自得一點

即應。老祖曰。神仙道已得。金仙次第昇。吾有真經歌。仔細聽分明。

真經歌。真經歌。不知真經盡着魔。人人紙上尋文義。喃喃不住誦者多。持經咒。念法科。安排紙上望超脫。若是這般超生死。遍地釋子成佛羅。得真經。出洪波。不得真經沒奈何。要知真經端的處。先天超化別無他。順去死。逆來活。往往教君尋不着。真經原來無一字。能度衆生登極樂。要真經。知道魔。除非同類而相和。生天生地生人物。難捨陰陽造化窩。說真經。笑盈盈。西川澗底產黃金。五千四百歸黃道。正合一部大藏文。日滿足。氣候升。地應朝兮天應星。初祖達摩親口授。大承妙法蓮花經。初三日。正出庚。曲江之上月。華榮。花蕊初開含珠露。虎穴龍潭探濁清。水生二月真正。若待其三不可進。壬水初來癸水來。須當急採定浮沉。金鼎煉。玉爐烹。溫溫文火煖烘烘。真經一射玄關透。恰似準箭中紅心。遍體熱。似籠蒸。迴光返照入中庭。一得真經如酒醉。呼吸百脉盡歸根。精入氣。氣入神。混沌七日又還魂。這般造化真消息。料得世上少人明。活中死。死復生。自古神仙賴真經。此般造化能知得。度盡閻浮世上人。大道端居太極先。本於父母未生前。度人須用真經度。若問真經癸是鉛。

神光聽完。心中頓悟。即便頂禮謝恩。蒙師指出週天造化。弟子明心。但有消長之機。開斷之處。未識何故。師云。心即佛。佛即心。無人無我無衆生。三心四相掃干淨。十惡八邪。要除清。恩愛情慾毫不染。貪嗔癡愛並不生。子午卯酉勤打坐。二六時中莫放行。要把闍羅來躲過。常伴彌陀古觀音。打開自己無縫鎖。天鼓一响主人驚。恍惚之間超三界。霹靂一聲出苦淪。若是六門不關緊。六賊門外亂紛紛。堂前主人昏迷了。謹防六賊要進門。偷盜一切真寶貝。闍家老幼難安心。主人一時慌張了。一身四體不安甯。這就是個消長理。修行弟子要明心。

神光問曰。六賊反主。是何消息。祖曰。六賊本是心爲主。主持大小衆魔軍。好比悟空孫行者。大鬧天宮顯奇能。天兵天將難伏制。不能逃佛手掌心。要歸唐僧成正果。全憑觀音咒兒靈。這是收心巧妙計。知者易悟要留心。賊中意馬忠良臣。駛起唐僧往西行。不是唐僧收歸正。龍馬飛騰駭殺人。走馳天涯無禁止。即是魔王一總兵。眼耳鼻舌魔家將。打聽消息透四門。貪嗔癡愛入裏助。酒色財氣扎外營。裏應外合奪王位。刀鎗箭戟亂紛紛。倘若是個眞明主。拜請眞人坐龍庭。觀音老母施法術。三教聖人護國心。請得

老母無相印。照出四妖出相城。再請玉皇真勅令。降伏六賊護主人。千妖萬怪齊聽令。知止定靜天下平。八大金剛關隘鎖。四大天王守四門。一切真人常擁護。主人巍巍坐蓮心。只待天鼓一聲响。主人騰空往外行。神光又問曰。何爲起落動靜。生死根原。祖曰。

起處翻江攪海。

落處粉碎虛空。

動處無鑰開鎖。

靜處關破洪濛。

照見無相城廓。

現出不老主翁。

安眠無生地上。

自在偃月爐中。

降世不識年月。

來歷不知始終。

乳名金剛不壞。

出入不見形踪。

爾是彌陀在此。

何須門外去逢。

光曰。怎教歸家見母。

老祖曰。

參到通天達地。

得見木母金公。

扶起嬰兒姪女。

回騎一隻黃龍。

越海翻山過嶺。

來到極樂宮中。

參拜無極老母。

團圓普慶天宮。

光曰。參到自然之處。自己知也不知。祖曰。恍恍惚惚。其中有物。杳杳冥冥。其中有精。覺知陰陽並。要做無知人。知覺動中靜。執知魔必侵。知者即易悟。昧者便難行。



神光曰。如何是雞卵乾坤。不知先有雞。先有卵。祖曰。混沌之時。無卵無雞。清濁二氣。混沌一團。乃是無極之體。待子時一陽性動。清氣有感。如卵中之清。丑時二陽命動。濁氣靈通。如卵中之黃。陰陽交感。二氣通靈。無極生太極也。一朝闢破洪濛。分出混沌。太極生兩儀也。此時如卵生雞。先有卵而後有雞。若明此理。便識天機。

光曰。念佛是誰。祖曰。是本性。光曰。除了本性。又是誰。祖曰。是靈光發現。光曰。現在那裡安身。祖曰。現在當人。光曰。二六時中。在那裡立命。祖曰。在雙林樹。光曰。我今砍到雙林樹。不知在那裡安身。祖曰。在太虛空。光曰。撞倒太虛空。再向那裡安身立命。祖曰。粉碎虛空。跳出乾坤三界。光曰。那三界。祖曰。東土娑婆世界。西方極樂世界。先天無極世界。惟有先天無極界。纔是男女老家鄉。東土衆生多迷昧。盡住娑婆世界藏。想回西方極樂界。不明自性難回鄉。光曰。西方在於何處。祖曰。明明白白極樂宮。徑有十萬八千里。指破西方在目前。可笑迷人路不通。光曰。二六時中。皈依何處。諷誦何經。祖曰。皈依無縫塔。默念無字經。開口神氣散。靜誦轉法輪。光曰。那裡是無縫塔。祖曰。自己真寶在當人。何須用巧向外尋。內中有個舍利子。不分晝夜放光明。無毛獅子徹天飛。蝦蟆樹上

披毛衣。死的托着活的走。蚊虫脚起稱鉅回。光曰。何是三心三會。祖曰。眼是過去心。燃燈佛。蓮池會。耳是現在心。釋迦佛。靈山會。鼻是未來心。彌勒佛。安養會。光曰。如何是三。千大千世界。祖曰。過去佛。管天下紅粉世界。現在佛。管天下婆娑世界。未來佛。管天下清淡世界。

偈 銅鐵之兒幾春秋。

無情無盡何時休。

曰 一聲吼海驚天地。

震破乾坤四部州。

光曰。何爲四字經。六字經。祖曰。昔有文殊菩薩。曾問世尊云。有修行弟子。妙用精誠。或四字是真。六字是真。世尊曰。四字六字。不過是引誘之門。初會四字。引誘公卿。二會六字。引誘賢人。三會十字。普度羣生。無極太極皇極三名。經闡五千四十八。佛開八萬四千門。因及三災闡教化。引度不離有字經。經中說透生死路。拜求一字不二門。無字經。超聖賢。後有偈語聽分明。

偈 真經不與紙經同。

紙上尋經枉用工。

曰 有人叅透其中意。

安在巍巍不動中。

又 人人有卷無字經。

不用紙筆墨寫成。

展開原來無一字。

晝夜四

時放光明。

又 幻身雖小配週天。

說與知音仔細參。

云 三藏歸來十二部。

盡在人身內外安。

頭頂着。金剛經。誰人知信。

腳踏着。般若經。那個知聞。

眼觀着。觀音經。不離方寸。

耳聽着。雷音經。歌韻如琴。

鼻聞着。彌陀經。出立入牝。

舌舐着。法華經。呼吸育清。

心默着。多心經。是爲綱領。

意守着。清靜經。前降後昇。

左肝家。青龍經。木母守定。

右肺腑。白虎經。金公看承。

北極經。能鎮水。存之於腎。

脾中宮。黃庭經。轉運法輪。

唐三藏。過西天。辛苦不盡。

九九災。八一難。死中得生。

悟空心。沙僧命。唐僧是性。

白馬意。八戒精。配合五行。

五千四。成一藏。十四年正。

行十萬。八千里。始到雷音。

先發下。無字經。有字后更。

十二部。真妙品。盡在人身。

塵世人。迷味深。全然未醒。

再不窮。真經道。了死超生。

有僧道。執諸經。敲打唱韻。

痴心想。度鬼魂。全無虔誠。

吃五葷。與三厭。葷口讚咏。

假求拜。燒文書。渺視佛門。

佛先與。主亡魂。加罪三等。

又要與假僧道。記過十分。到頭來。一個個。三途受困。因武帝與佛教。大道不明。只求其與空門。謀食路徑。那曉得。亂了法。誤了後生。囑弟子。既惺悟。真假路徑。無字經。超自己。並度宗親。掌教佛。流傳與。廿八佛性。到東土。找原人。接續道根。時祇望。皇胎兒。去勞從正。求明師。傳真訣。了死超生。

老祖示畢而去。神光拜謝洪恩。禮畢而吟曰。

先天無爲大道。成佛妙用機關。趕生了死非等閒。得者豈能輕賤。我爲生死性命。卸下左膀得傳。熊耳山間苦琢研。始得了明一貫。感師層層指破。放出天大海寬。收來芥子一毫端。真是一以貫萬。切囑後輩佛侶。黃金萬兩莫傳。苦海衆生有誠虔。除妄皈真指岸。一見六道輪迴。不忍脫骨如山。欲將天機盡漏穿。又恐難逃天鑒。只得半明半暗。泄與後世人參。求師指點這玄關。永證極樂宮院。佛法分明說不盡。一卷心經字字真。有字原從無字出。喚醒南柯夢裡人。大海波中一盞燈。無人別起不分明。若遇明師親指點。裏頭照見外頭人。

大海波中立起桅。我佛彼岸等幾回。三還九轉來度你。有緣得遇證太微。

達人知命要思鄉。

摩着正根即去旁。

神仙人人均有分。

光明大路透西方。

達摩實傳

# 達摩寶傳下卷

偈 達摩通玄寔妙哉。 摩着三教一氣來。

曰 宗派先天廿八祖。 橫正法船爲原開。

爾是達摩老祖。度過神光。說法已畢。憫世心切。雲遊古剎。涵養真性。忽遇一道人。道號宗橫。見得老祖寂然不動。遂自矜誇而言曰。道高龍虎伏。德重鬼神欽。若是空自滿。必非世外人。老祖聽畢。亦昂然不動。宗橫又曰。出家之人。應該要操琴弄調。水懺上有言。圍棋非是出家之人勾當。楞嚴經有言。笛笙篳篥。琵琶鐘鼓。雖有妙意。還須妙指。我今喝他一聲。看他是真和尚。是假和尚。老祖答曰。你真全真。你假全假。宗橫復問。和尚從那裡來的。老祖應道。我自真空寺來的。那宗橫不明老祖之言。老祖暗想他不是真全夫子。我言他必惡之。我必善之。他若善之。我亦善之。我且說個小的。從頭去問他。他若認得我。再作道理。老祖向前致恭問道。先生稽首了。宗橫又問道。和尚到底從那裏來的。老祖答曰。來處來兮來處來。橫曰。定有一個着脚安身之所。祖曰。要問我出身之處。得恩深處便爲家。宗橫曰。定有住脚處所。從那裏起身。到我這裏。祖曰。我乃是雲遊之

僧。那有定準。隨口應曰。東來西去無憂愁。雲遊天下四部州。要問我身歸何處。常在雙林寂滅修。老祖說罷。宗橫不知老祖偈語。又問姓甚名誰。祖曰。老身姓性。名王。字空明。橫言百家姓。我曾讀過。上面並無姓性的。祖曰。你祇知百家姓。就不知自家姓。我想當初開天闢地之時。先有一點真性。男女俱不可少。這點真性。人人俱有。個個不無蠢動含靈。皆有佛性。我今投在五行之中。面貌不同。言語各別。故此你張我李。各分姓名。你今何不認真。反求認假。橫不解其意。復又問曰。和尚你今與我寔寔說明。你的來踪去跡。祖曰。你定要追我道乎。我道末後一着。橫曰。上山須到頂。下海須到底。自然要問你水窮山盡的一個着落處。我便休息。祖曰。也罷。我不免將我來意。凡事報與你知。吾乃泗水國中人氏。特來這裏訪道修行。橫曰。有多少路程到此。祖曰。十萬八千里。橫曰。要多少日期方可到此。祖曰。只消一個時辰就到。橫曰。如何這等行得快。祖曰。我還嫌到得遲。我那泗水國中。有一達摩祖師。半個時辰。就行十萬八千里路程。橫曰。你到這裏有何貴幹。祖曰。久聞東土無人體道。我來傳道教化修行。又誰知道有這等明眼高師。在此。橫曰。你有甚麼道。如何修法敢來此處傳道。祖曰。我雲遊湖海。有何修法。橫曰。既



無修法。將何傳法。老祖曰。閒時守清淨。倦時就去眠。飢時一碗飯。渴時一瓶泉。由他佛自佛。任他仙自仙。滔滔風波起。艣公不開船。祖將大道玄機與理。說與宗橫。不能惺悟。祖曰。我到這裡。年半光景。並無一人拜我爲師。橫曰。那個拜你一竅不通的爲師。祖曰。怕你纔是一竅不通。你若通得一竅。不難超生了死。定然證佛成真。橫曰。我不與你講。你各自去罷。祖曰。來時只有一條正路。去時便有千萬門戶。叫我如何去得。如今望你看顧。強似千載修行了。橫曰。我與你若是一家。看顧你又有何難。奈你是釋。我又是道。如何好與你道。祖曰。先天之時。儒釋道原是一家。如今之人。妄分三教。有個各別之理。橫曰。若要我救你。或是你拜我爲師。纔好。究竟幾句言語。老祖思想一會。我若不拜他爲師。恐難引他進步。我若拜他爲師。只是他罪過太重了。也罷。正是急水船扞岸。船到好撐篙。祖便上前告道。師傅雲遊到此。缺少香燭。不能全禮。弟子就撮土爲香。拜你爲師。橫曰。說得是好。祖曰。師傅請在上坐。受徒弟幾拜。橫乃妄自尊。就坐在蒲團上面。端然不動。受祖九拜。八部天龍。便生嗔怒。老祖暗想。乃作偈曰。君子暫貧還有禮。小人乍富便欺心。八部天龍空中怒。傳道祖師拜來人。得人便宜休歡喜。遠在來生近在身。罷。

貶九玄並七祖。歷代先亡墮幽冥。老祖雙膝跪下。宗橫便叫徒弟起來。我今日收你罷。祖曰。弟子要問師傅求些佛法道理。要等開示明白。弟子方纔起來。橫曰。本要不救你。但只是不看僧面看佛面。你今皈依。論我所入的。本是道門。所修者。道祖之道。所體者。道祖之理。要遵三清五行。方爲正理。念你削髮爲僧。我今傳你三皈五戒。不可忘師真傳寔授。祖曰。豈敢不遵。我必要承授三皈五戒。不敢忘師真傳寔授。橫曰。你先受三皈。後受五戒。皈依佛。不墮地獄。皈依法。不墮餓鬼。皈依僧。不墮輪迴。法輪常轉。傳得你功滿三千。果盈八百。橫曰。徒弟起來。祖曰。弟子起來不得。橫曰。如何起來不得。祖曰。未曾與弟子開示明白。故此起來不得。橫曰。我時纔與你開示明白。如何不明白耶。祖曰。弟子那泗水國中。也有皈依三寶的。你這裡皈依。却與我那裡音同字不同。橫曰。你那裡如何樣皈依三寶。祖曰。師傅請坐。待弟子細說一遍。我那裡皈依佛者。要定三心。掃開六慾。常清常淨。不亂真性。便是皈依佛也。橫曰。又如何是皈依法。祖曰。非禮莫言。非禮莫行。身無意外之行。口無矯誣之言。言可法。行可則。合乎至理。不遭王法。是名皈依法也。橫曰。又如何是皈依僧。祖曰。一身清淨。超出三界。要知法身。在那裡安身立命。投在

娘胎。又在那裡安身立命。生從何來。死從何去。識得生門死戶之路。明透清淨法身之處。常在不滅。便就是皈依僧也。師傅叫弟子法輪常轉。但不知如何轉法。橫曰。早念三千聲響佛。晚念三千聲啞佛。祖曰。如有色聲。亦非清淨。此等念法。何足爲道。我那裡法輪常轉。不念而自轉。時時悟徹單傳。刻刻心印真竅。自虛無穴裡。運動清氣。上鵲橋。下重樓。由絳宮。過丹房。轉方寸。而入尾閭關。關通夾脊。脊透玉枕。枕透通天。天落七寶。寶入寶藏。藏穿鐵鼓。鼓透須彌。彌透山林。林透靈山。山外八卦。就到坎離之中。八萬四千無縫鎖。只有一把鑰匙開。開通虛無玄關竅。管教平步上天台。宗橫暗想一會。我當初說他一竅不通。誰知他五臟內都裝些真寶貝。曉得這等道理。這樣清高明見之人。無所不知。無所不曉。我纔有眼無珠。枉受他人之拜。暗暗思想。如今悔之晚矣。橫又勉強叫聲徒弟起來。祖曰。弟子起來不得。橫曰。如何起來不得。祖曰。弟子討師傅傳授。慈悲開示與我。我有一樁事。要討個明白。橫曰。你要討那一樁事。祖曰。但不知師傅這裡有幾個天。橫曰。混元一氣。只有一個天。祖曰。我那裡人人各有一個天。就是孩童男女諸人。俱有一個天。橫曰。我本無天。祖曰。因爲師傅無天。不合天理。豈能修道了道乎。橫曰。

你既有天理。說來我聽。祖曰。師傅請坐。待弟子一一說明。古言佛師不可輕洩。禪機豈肯亂傳。我今指你一炷清香。聽我從頭一一說來。天爲一大天。人爲一小天。天有八萬四千星宿。人有八萬四千毫毛孔竅。天有三百六十日計一年。人有三百六十骨節。即一週天。天有二十四氣。按陰陽十二個月。人有大腸二十四折。按陰陽本命。天有一十八度。配人有小腸十八折。按十八重地獄。天有十二元。人有咽喉十二條。按一年十二個月。是名重樓。天有五斗六星。人有五臟六腑。天有金木水火土。按五方。人有大腸小腸膀胱胆腎此五者。名爲五侯。天有東斗至西斗。八萬四千由旬。南斗至北斗。十萬九千五百由旬。人有丹田。左爲精海。右爲氣海。尾閭關爲血海。天潮血爲骨髓海。此名爲四海。東海至西海。八萬四千穴門。南海至北海。十萬九千五百穴門。天有天河。接黃河。應上崑崙山頂。清換水道。晝夜十二時。運轉三十六度。按七十二火候。人有天根接地根。天河接銀河。每一月轉運三十六度。天有太陽太陰二神。人有精氣二神。天有日月。人有二目。左爲日。右爲月。天之太陰太陽。光照天下。一日一夜。行一萬三千五百度。少行一度。就是陰陽顛倒。人之太陽太陰。普照一身。一日一夜。亦行一萬三千五百息。少

行一息。就是三災八難。當日師傅既有諸經寶。豈不解雷祖經有云。身中九靈。何不詔之。當時宗橫聽罷。心歡意暢。頓首無言。低頭便拜。老祖二九一十八拜。口吟偈曰。二九拜師十八拜。口稱赦罪珠淚淋。我今悞入旁門道。眼大無珠不識人。原來師是真羅漢。不知因甚落紅塵。願求明師超三界。道轉釋門出苦淪。

老祖曰。當初我拜你爲師。如今你拜我爲師。怎敢大胆叫你徒弟。橫曰。祈求開赦。願爲門下。我雖入道。未得真傳。今聞妙神法語。茅塞初開。到望師父赦拔恕罪。弟子有眼無珠。不識師傅降臨凡世。故此冒犯之罪。老祖曰。先前我拜你爲師之時。問你三椿事。如今你拜我爲師。我又要問你三椿事。你今修道。要修那一樣法。橫答曰。弟子要修一身之法。祖曰。你修一身之法。當日你母親懷你在腹中十個月。生你三百六十骨節。先生那一塊起首。橫曰。我母親懷我之時。弟子端然正坐。住一間現成房子。不識不知。那裏知道這些奇事。祖曰。你又說修一身之法。及至問你。你又不知。我今說明與你。你可牢記在心。你母親生你是男。先生你南天門一塊。所以男便爲天。生你腦頂之時。抽母腦蓋之神。所以母頂痛二個月。你可知道此情否。若生你是女。先生脚底湧泉之穴。所以

女就爲地。生你湧泉之候。抽母腿肚之脉。所以膝痛九十天。你亦可知道麼。橫曰。弟子更不知也。祖曰。我再問一樁事。你母懷你在腹中時。你可知道有性無性。橫曰。千層皮裏。如何曉得。祖曰。爲人那有千層皮。不過一層肉耳。但凡人在母腹時候。娘的總管。對着兒的顛門。娘的臍輪。對着兒的臍輪。帶在兒口中。抽吸母之血脉。若是男。在母的左腰梁上。是女。在母的右腰梁上。每一日娘的臍輪帶在兒口中啣住。抽母親的血脉。是爲臍乳。候至瓜熟蒂落。方纔降生。我今明指破。古來無痛不生。無痛不死。母親生你之時。在臍輪之上。二寸三分。痛如刀割。生你下來。你今死在那裏。在臍輪之下。一寸三分。痛如螃蟹落湯鍋一般。便死也。母親生你。端正臨盆。坐草之時。又要母親的本錢。那時母親用下醞醐灌頂之功。連連三口元氣。與孩兒作根本。有一口元氣。灌在孩兒顛門之內。孩兒即刻墜地。母親的本錢。分一半與孩兒。留一半養自身。母親將三口元氣。盡皆交付與孩兒。其母便死。其兒便生。此乃子脫娘之身命也。即是分作兩分。與孩兒爲多寶佛塔。娘本釋迦佛是也。你在母腹之中。有三元不足。天元地元人元。天元不足。顛門不開。這點靈光難進。地原不足。膝蓋未生。恐怕就跳出紅塵之地。人元不足。口齒不生。

恐怕就嚼餐衆生之肉。生你落地時。微微一陣清風。送進靈光之性。投於兒竅。名爲住投命。纔爲安身之地。此時就叫滾芥投鍼。這點靈光。若投得着嬰兒就哭。若投不着。名爲坐不收。母親空費辛苦一場。老祖說罷。宗橫盈面弔淚說道。弟子枉費一場修行。今日方知生死門戶。却原來我先前所說的。都是別人說現成的。所以七長八短。總不方圓。祖曰。弟子你般般都會。件件皆通。我且問你。但不知人死先從那裏死。橫曰。弟子懵懂。如何能知。祖曰。如今諦聽與汝指示明白。大凡人死。先由湧泉乾冷。如同冰霜。痛如刀割。方爲斷根。脚底湧泉爲地根。若地根斷了。接連天根一斷。這點靈光。安作不牢。此時透上雙林樹。現出金針明亮。直闖崑崙山頂。生從南極而來。死從北極而去。你們雖是修行。生死不能明白。今又問你。母親懷你十個月。抽丁拔髓。從那裏抽起來。害一百單八難。又從那裏害起來。你可會通否。橫曰。弟子愚昧。焉能會通。老祖叫道。你入跟前跪下。把根由情趣。從頭解說。你今修行。圖名掛號。未究寔理。那明其情。只徒穿黃衣。拿素珠。束來西去。哄弄迷人。口說修心不修。貪財愛寶。盈門混過。虛名假利。有甚道味。予將胎骨經。從頭細說明。自然有定見。牢牢記在心。

我今日把生身。情由細論。  
養胞胎。溫火候。漸漸功盈。  
二個月。長胚胎。陰陽交應。  
起身來。難行步。頭重腳輕。  
長一骨。挽一骨。抽丁拔髓。  
行不安。坐不甯。如病纏身。  
生兩手。本娘的。血脉抽運。  
走平地。似高山。膝蓋酸疼。  
五個月。長靈胎。五體端正。  
左八天。右八天。玄牝之門。  
你如今。來修行。不知路徑。  
先通眼。後通耳。鼻舌全成。  
長舌根。與孩兒。枝新葉嫩。

本娘親。十月胎。苦中育成。  
一個月。長牒胎。草頭露影。  
你娘親。上牙床。如醉如昏。  
三個月。長靈胎。身長六寸。  
熱烹心。想冷湯。卽刻到唇。  
四個月。長靈胎。四肢已定。  
對紗窗。做針線。背酸難伸。  
你如今。來修行。未聞其正。  
長天靈。成腦蓋。老母頭疼。  
長頭髮。蓋眉腔。嘔吐發暈。  
入空門。悟空幻。怎報娘恩。  
通眼光。與孩兒。娘眼混沌。  
兒三花。碧秋水。舌上生津。

一年中。四季天。娘身慘甚。  
不見踪。不見跡。無名無形。  
睡牙床。懶翻身。四體捆緊。  
你的娘。懷着你。如病來侵。  
茶不思。飯不想。朝日昏悶。  
先生脚。後生手。秋夏冬春。  
生兩足。透玄關。湧泉血透。  
把根本。都忘懷。忤逆娘親。  
前八天。後八天。生死門徑。  
似泥牛。翻海底。娘受惡心。  
六個月。長靈胎。六根分性。  
通耳音。與孩兒。娘耳吼聲。  
你如今。已修行。不知道行。



眼觀色。耳聽聲。鼻舌香聞。口食肉。談人過。心存不正。把爹娘。埋葬了。墮落深坑。  
七個月。長靈胎。七竅方定。左心肝。右肺腑。虎嘯龍吟。長脾骨。完倉廩。大小分景。  
你娘親。元氣薄。心內痛疼。前朱雀。後玄武。膀胱兩腎。日漸催。身體大。行重千觔。  
完全了。寶藏庫。娘思冷飲。有多少。好珍饈。不敢沾唇。坐落在。雲陽市。隨用有分。  
若坐在。邊夷地。那得隨心。富貴家。享榮華。不勞心性。貧窮人。經記議。朝暮忙昏。  
到晚來。娘煩悶。如害重病。你如今。拋別娘。怎報深恩。八個月。長靈胎。八脉旺運。  
七寶池。八德水。八獄歸身。到晚來。母睡覺。難以安穩。枕頭矮。娘氣喘。難動難行。  
走路時。娘與兒。如同鴉並。娘口渴。吃涼水。賽過寒冰。吃滾水。飲熱漿。鑊湯獄禁。  
母低頭。背腰屈。鋸解之形。兒飢餓。吸娘血。娘心飽悶。百般苦。爲懷兒。許多艱辛。  
你如今。做道人。身長體硬。怎答報。生身母。懷胎之恩。九個月。長靈胎。三還九運。  
忽一日。兒轉換。刀割娘心。左轉時。是男子。六陽朝進。在腹中。行子道。手捧娘心。  
右轉時。是女子。六陰氣運。有一日。降下生。腰膝酸疼。你如今。做道人。昇降不運。  
執有爲。假裝相。怎報娘恩。十個月。胎已足。瓜熟蒂落。臨產時。娘坐草。九死一生。

第一怕。討鹽生。兩手下淨。橫腹中。難分娩。胆落魂驚。  
全不分。冷與熱。坐臥不甯。第三怕。掩背牛。娘心苦甚。  
第四怕。分尸生。娘數已盡。是前生。冤孽債。取命歸陰。  
賽屠家。難下手。叫不絕聲。第六怕。荷胞生。開弓努勁。  
第七怕。蟠腸生。命難救整。兒又死。娘又亡。母子同行。  
母衣胞。不下來。命送殘生。第九怕。踏蓮生。雙足跪蹬。  
端一盆。清淨水。將兒洗淨。污穢水。傾在地。帶罪不輕。  
欸諸親。欠命債。罪歸娘親。洗穢衣。對天晒。冒犯難禁。  
造下了。血河罪。輪迴罪等。那有個。真孝子。替娘受承。  
還有那。養身恩。傳與你聽。乳三年。育九載。費力太甚。  
三伏天。抱兒睡。熱毒氣勝。娘受苦。心甘願。時憂兒身。  
冒風寒。急調治。受盡耽驚。局屎尿。忙放碗。把兒洗淨。  
富貴的。有換洗。到不打緊。貧窮人。無洗換。難把方生。  
出痘麻。與病痛。時刻憂悶。

懷轉背。背轉懷。許願求神。舍銀錢。請良醫。不辭遠近。直憂到病痊。愈方纔丟心。吃娘的。多少乳。娘容枯甚。退娘親。千千萬。元氣精神。娘如花。既結子。花必殘甚。子當要。固其仁。不失性根。根本壞。曷爲人。天道怎應。天宮內。並無有。不孝真人。汝今朝。既修行。希賢希聖。將娘親。生養恩。如何還清。宗橫聽罷。痛哭不已。枉我出家修行。何曾知道胎骨經中之理。父母生養之德。今得明師教訓。初開茅塞。正所謂樹欲靜而風不息。子欲養而親不在。但不知如何能報產生阿娘之恩。出離地獄之苦。老祖曰。恭敬虔誠。即是尊親。名成利就。即是榮親。晨昏定省。即是敬親。劬勞奉養。即是養親。一呼百諾。即是順親。乃後天倫常之道。可謂全一順字。何能答報親恩。汝欲答報親恩。脫離地獄之苦。必要抽爻換家。修成返本還原之功。功成超宗拔祖。方報雙親無量之恩。可謂全一孝子。汝今假名爲道人。不知所以爲道。拋親遠遊。混度終朝。更未識父母何等懸望。細聽指明。親將孩兒搵養大。望做悲喪送孝人。那思道人心似鐵。拋別爹娘往外行。兒別父母不大緊。父母想兒箭穿心。又愁無飯充兒腹。又怕無衣遮兒身。脚踏異地無投奔。眼觀生人有誰親。紅日西沉添悽慘。悲悲切

切守房門。三春花明鶯帶恨。九月菊開雁悲鳴。夏至綠野子規啼。冬來黃葉作颺聲。睡覺時至三更夢。夢見兒歸笑吟吟。忽然惺覺覓不見。只得含淚望月星。枕邊流盡傷心淚。堂前望穿雙眼睛。傳書寄信望兒轉。對面不親問誰人。求神拜佛多保佑。只願孩兒轉家門。抽籤問卜無靈應。燒香許願無信音。離別雙親猶自可。飄流浪蕩無定憑。道衣道貌猶然像。焉知三清並五行。朝山拜廟四方化。滅真弄假哄迷人。三災八難無人管。同伴道友幾個真。或住菴堂並寺院。徒誦經卷混光陰。只說修仙而悟道。那曉根源無處尋。我今一言而道破。何必裝樣徒虛聲。皈依佛法僧三寶。即是自身精氣神。感應慈悲與忠恕。三教原來同一心。仙道原從人道起。西方多是忠孝人。持齋守戒成大道。超拔祖宗並諸親。我今一一說爾聽。單救爾身出苦淪。聖凡兩層都道破。不枉你今拜我身。却說宗橫聽罷。愧悔不已。哭泣不堪。一心改邪歸正。修悟正覺。答報雙親生養之恩。只得俯伏跪地。哀求正法老祖曰。你今既已痛心改悔。哀求至道。須備供儀。憑佛立願。宗橫一一備齊。誠跪佛前誓曰。弟子得道之後。若有二心。永墜萬劫沉淪。

老祖曰。求道弟子要誠心。遵皈守戒依法行。十惡八邪均除盡。三畏九思概要遵。指示

一竅虛靈性。至善之地。率六神。六根清靜。塵不起。五蘊皆空。幻不生。人法兩忘。寂中寂。混元一炁。見虛空。

再說偈曰。一竅虛靈性。先天至道根。悟徹動中靜。方識主中賓。煉至無人我。了死便超昇。

却說老祖。將生死情由。下手功程。一一開示明白。又怕宗橫。不明天道玄妙精微。逐一指破。以便參悟。再讚十字偈曰。

囑弟子。要明白。修道妙着。掃三心。飛四相。一竅包羅。倘着相。求文字。能講會說。恁修者。牛毛廣。成如兔角。有智慧。明自己。真種一個。朝而參。暮而煉。性定神和。

存元神。養元氣。煉精採藥。知定靜。識剛柔。波羅蜜多。有黃老。戲魚躍。分清別濁。牛羊鹿。駕三車。運轉黃河。遊雙林。見仙桃。羣林奉賀。桃不大。包天地。日月山河。

這仙桃。其中的。美味甚妥。服一粒。能享壽。五百年多。這桃中。真美景。寔難道破。龍交虎。龜戲蛇。共成一窩。見牛郎。河東來。鵲橋上過。見織女。他又在。河西弄梭。

見水面。無底船。仙佛同坐。見水中。魚化龍。鱗甲現波。見老翁。任把釣。船尾上坐。

見八仙來過海。齊唱仙歌。南極翁跨仙鶴。中倉獨坐。觀音母坐船頭。會同覺圓。目蓮僧執錫杖。十王朝賀。諸仙佛齊滿載。共上天河。通天河遊過去。崑崙打坐。一個個吃的是波羅蜜多。崑崙頂有多少。仙宮樓閣。無極殿。瑤池命。三教同科。有一座。三清殿。元始正坐。左靈寶。右老君。並坐顏和。有一座。靈霄殿。玉皇上坐。四天王。八菩薩。鎮守瓊閣。有一所。大雄殿。文佛上坐。講經文。說道法。玉律金科。鸚鵡鶴。頻伽鳥。善聽講法。羣弟子。齊合掌。口念彌陀。這其中。玄妙語。寔難細叵。仰弟子。將心經。用意揣摩。觀自在。多菩薩。不離這個。遠顛倒。離夢想。永證大羅。却說老祖將修道妙景。說與宗橫。又恐不知臨歸之日。成道應驗。孽魔現幻。奪舍情形。一一分明。俾宗橫心神歸舍。不致墮於侵害真靈。方能成其正果。永證菩提也。爲開示

曰。

叫弟子。坐一傍。細剖你聽。那裏知。有這些。未來奇情。這生來。與死去。有誰考証。

悟玄妙。要知道。佛法精蘊。雖然是。學神仙。不知情命。我今日。明以告。後爲據憑。

想從前。你修道。糊行一陣。要脫了。臭皮囊。方能成眞。有功果。圓滿日。不防生病。

四大肢。現疼痛。預知回程。  
 一天鼓。打不鳴。神氣難運。  
 二舌根。拴不倒。命盡時辰。  
 三看眼。上藍霧。神光不定。  
 彈後腦。破鑼聲。歸空日臨。  
 四漕溪。水乾了。將死情景。  
 手摸額。骨頭大。有命不存。  
 五舌下。無津液。危急大症。  
 腳掌心。如針刺。急救不能。  
 六臍下。疼連心。叫天不應。  
 天根倒。地根斷。氣絕神遶。  
 七鼻端。準頭歪。難望保命。  
 腰疼痛。上頂門。即赴幽陰。  
 有丹方。好硃砂。明亮如鏡。  
 好細茶。加一錢。化痰清心。  
 頂門心。兩脚心。疼痛所應。  
 按時痛。準時在。某時脫塵。  
 子時中。脚心痛。不消算命。  
 隔十八。天明時。寅刻身傾。  
 丑時中。頂心痛。大數將盡。  
 七日內。到黃昏。一旦終臨。  
 寅時中。脚心痛。死日有信。  
 半個月。人靜時。駕鶴上昇。  
 卯時中。脚心疼。天不留命。  
 三十天。日正中。脫苦辭塵。  
 辰時中。脚心痛。十日相近。  
 到半夜。鼠偷糧。命盡時辰。  
 巳時中。頂心疼。丹書詔請。  
 至七日。猴掛印。法身騰雲。  
 午時中。脚心痛。祿馬倒運。  
 二六時。猪拱泥。西方不停。  
 未時中。脚心疼。不久數盡。  
 一七天。馬放山。去會佛尊。  
 申時中。脚心痛。天宮放信。  
 十二天。人定後。跨鶴登仙。  
 酉時中。脚心疼。藥難治症。  
 到十八。虎出林。一定歸陰。  
 戌時中。脚心痛。十日命盡。  
 龍抱柱。大數終。怎能留人。

亥時中。頂心疼。脫塵更近。

四日內。龍出海。去見娘親。

知時日。安排人。凡時料應。

放儿坐。倍念佛。莫動他心。

叫他守。玄關竅。存神定住。

使三魂。合七魄。凝聚歸根。

所怕者。累劫冤。不放在正。

見一切。幻化景。認定把憑。

見幢幡。合寶蓋。休同並進。

或樓台。與殿閣。不可去行。

見房屋。不可入。心莫混沌。

若飢渴。見凡物。不可沾唇。

見白蓮。黑車輦。馬驢現景。

見音樂。彩女現。奪神妖精。

見彩色。美婦人。猪狗禽影。

切不可。隨他去。轉胎化形。

見過街。紅車輦。紅福誘引。

倘若是。同着行。墮了法身。

修行人。觀世音。性命煉穩。

戰退了。魔王陣。空身空心。

到臨危。總不要。貪戀美景。

只恐怕。錯投胎。悞了自身。

祖曰。凡人在世修行。要看臨終一着。臨終雜境現前。接引迷混。須當覺察。指示與你。

釋迦接引野狐胎。觀音接引是龍胎。勢至接引是虎胎。文殊接引是龍胎。叔伯接引是

貓胎。一切旗旛飛禽胎。寶蓋接引鳳凰胎。四轎接引螃蟹胎。宮娥禮拜猿猴胎。蓮台車

輦驢馬胎。宮人禮拜大虫胎。玲瓏瓔珞奴婢胎。浮橋渡江濕生胎。金光紫霧大虫胎。千

層寶塔螳螂胎。瓊花樓台蜜蜂胎。金銀轎子是卵胎。笙簫鼓樂猪羊胎。若見紅衣童子



接。投生大官洪福胎。若見西山一皓月。白衣僧引見如來。  
偈曰。學道之人莫心高。恐怕臨終無下稍。三寸氣斷迷了路。枉在婆婆走一遭。臨終緊急防昏亂。輪迴路上萬萬條。堅固念頭拴意馬。六門清淨得逍遙。

臨終九竅奧妙 偈

樓臺鼓響萬人驚。一聲震動定太平。因甚今朝鼓不響。整備衣冠急行程。雁門關上亮金燈。量天尺內看分明。吾今指示真端的。神光不照便行程。獅子關上亂紛紛。天門頂裡亮金燈。有錢常買長不死。躲得無常定南針。土橋關上亂紛紛。柱倒橋塌步難行。滿堂孝眷雙流淚。尋塊寒磚自安身。金鎖關上看花開。木人穿靴脫了胎。優鉢花開行上路。漕溪水乾歸去來。般若關上亂忙忙。緊防太子動刀鎗。滾鍋螃蟹慌張了。五氣都來混中央。水火關上定陰陽。左三右四不商量。二龍戲珠前收拾。龍離深潭上天堂。波羅關上冷侵侵。蘆芽穿膝甚分明。六賊落了黃金地。油乾燈滅便行程。十殿閻君都躲過。飛身跳出涅槃門。九關穿透少人知。分開九關透天機。清風路上穿一箭。崑崙頂上証菩提。

修行人。難知此理。識得破。便可圓成。但凡一切接引。都是胞胎。闖入四生六道。生了又死。死了又生。不斷輪迴。金剛經云。凡所有相。皆是虛妄。又云。一切有爲法。如夢幻泡影。不能了脫生死。惟有先天大道一字。纔是藏經骨髓。纔了得生。脫得死。惟有西來大意。主人公來接。便可去也。又無聲色。譬如大海之中。四方無邊。一隻度船。不知東西南北。不能到岸。忽然天降一曉陰陽的人。下一定南針。纔知去路。纔到彼岸。只見西南山上。一輪明月。一道白光化爲白衲。即是阿彌陀佛來接引。跟了他去。竟之極樂上品。無生上果。彌陀眷屬。即成佛道。不生不滅。石爛海乾。永無朽壞。此乃天宮聖境。偈曰。

雙林涅槃少人知。知音誰不願皈依。若還得遇歸空記。得免輪迴上天梯。路頭步步往前行。西邊松竹似麻林。道路崎嶇須仔細。單把彌陀作證盟。

却說現在修道之人。且看靈光落地四大分張。到其間進步無門。退身無路。一離幻軀。仔細認路。路有三條。一條光明大路。一條黑路。一條青苔幽路。天宮正路在中。黑路在左。青苔幽路在右。撩天柱杖提起一坐須彌山。一坐般若台。相離行程不遠。防金剛攔路。要牢拴意馬。緊固念頭。抬頭一看。垂楊一枝。下有盤陀石一峰。可坐一時。方可前行。

遙望見石橋一座。名曰羅漢橋。此橋有五十里。過了數里。無人又見金橋一座。有一萬三千里。有緣君子。切莫恐懼。此橋名曰趙州橋。有三分闊。從此一斷。寸步難行。煩惱妄想除盡。莫轉頭看。莫思在昔日之事。端坐堅固念頭。更加勇猛。橋斷路盡。別道逍遙。忽見金雞飛來盤上。座過何方到彼岸。再看四方無路。莫生煩惱。坐定三日。念頭更加堅固。纔見青衣童子一對。手執符旗。前來接引。腳踏銀梯。步步往上到天台。第一靈官寺。叅見古佛世尊。親蒙授記吩咐。又向前行二十里。上下雲城。到無煩天宮。有門兩扇。是生鐵灌裹。純鋼結成。渾風不透。此處搭查對號。問你來踪。考察明白。纔放進去。問曰。此地非凡。因何擅入。若無事往來。打入輪迴。答曰。我非別人。乃是嬰兒回家。叅拜無生老母。

老母問曰。你姓甚名誰。何年拋別父母。你往何方。所幹何事。今日怎曉歸家。一一從頭說來。放你進去。若一句差錯。決不容情。嬰兒答曰。聽我道來。

敢無生。老父母。細聽兒稟。小皇胎。由東土。轉回西庭。想從前。在家鄉。先天光景。金銀階。玻璃地。受用隨心。從無始。下東土。迷真亂性。墮落在。紅塵內。六萬餘年。

受酒色。思財寶。不知生死。  
求口訣。領單傳。方得超昇。  
無生父。親聽得。雙流痛淚。  
聽呼喚。同老母。大放悲聲。  
小真空。在婆娑。還歸故里。  
進雲城。金沙地。獨自爲尊。  
甚麼年。離父母。久戀苦海。  
甚麼年。歸正教。怎樣修行。  
你念的。甚麼佛。得登彼岸。  
有一句。差錯了。定不容情。  
從無始。離家鄉。迷真逐妄。  
終日間。圖快樂。不想死生。  
生又死。死又生。貧了又富。

生又死。死又生。不曉回程。  
因此上。思無中。一雙父母。  
無生母。見嬰兒。兩淚長傾。  
老真空。忽聽得。嬰兒叫喚。  
今日來。見父母。慟哭傷心。  
有鐵門。十二重。渾風不透。  
轉凡世。住婆娑。幾萬餘春。  
拜明師。他求你。甚麼寶號。  
我問你。老父母。叫做何人。  
小真空。將言說。金剛聽到。  
在東土。戀紅塵。不記年春。  
到張家。又李家。爲男爲女。  
番來復。復來番。怎躲闍君。

忽聽得。未刦到。蒙師指示。  
丟却了。凡情境。方見雙親。  
老真空。端坐在。寶蓮台上。  
差金童。執瓊珞。接進金門。  
丟却了。紅塵境。玻璃世界。  
八金剛。攔了路。拷問衆生。  
甚麼年。吃起齋。回心向善。  
說與你。是那些。道理經文。  
你與我。仔細說。放你進去。  
你聽我。從頭尾。說細原因。  
淚如海。骨如山。不知轉化。  
做活計。置產業。費盡心勤。  
過去了。又過來。從新受苦。

戀酒色。和恩愛。死不回心。  
再問你。某年月。吃齋向善。  
他與你。取的是。甚麼法名。  
嬰兒答。自那年。吃齋向善。  
持三皈。守五戒。悟道修行。  
把塵情。合嗜慾。一概掃盡。  
老真空。大法王。是我爺身。  
眼不見。耳不聞。巍巍不動。  
如雲散。光明現。照破乾坤。  
見嬰兒。歸家來。真是我子。  
打幢旛。排寶蓋。迎進金門。  
路兩傍。衆菩薩。各排香案。  
謝父母。恩光照。得見雙親。  
忽然間。不覺得。心中有悟。  
某年月。皈正教。參拜何人。  
他教你。念彌陀。幾字寶號。  
我三師。曾與我。更改姓名。  
指引我。歸家路。雙林樹下。  
晝夜間。勤採取。前降後生。  
透三關。通九竅。無極金鎖。  
心不搖。意不亂。方顯金身。  
老真空。一見了。雙眼流淚。  
顯神通。合聖道。貼骨真親。  
有迦陵。合頻伽。共命之鳥。  
蓮花台。齊迎接。我的兒孫。  
散天香。行細禮。三回九轉。  
纔想起。回家鄉。悟道修行。  
你師父。有幾人。是何名號。  
說與你。無生母。大道原根。  
傳與我。十字佛。一字寶號。  
十二時。無縫塔。永遠安身。  
千花台。老觀音。便是老母。  
紫金池。領鑰匙。開通四門。  
忙展開。法王簿。一字寶號。  
喚金剛。開金鎖。大閃金門。  
喚金童。和玉女。齊備樂器。  
宣白鶴。與孔雀。鸚鵡齊鳴。  
小真空。見老母。週圍三繞。  
願老母。哀納受。得證金身。

老真空。洒甘露。摩頂授記。從今後。在這裡。永續長生。證無生。金蓮台。不死不生。任乾坤。有毀壞。我自安寧。吩咐你。小真空。各照牌位。證字號。認宗派。樂隱安身。論功行。分九品。安極定位。證金身。成正果。相伴無生。有天人。和菩薩。常常供應。散仙花。奉供養。刻刻殷勤。又不來。又不去。逍遙自在。又不生。又不滅。萬劫常存。却說老祖。將歸家寶偈。述與宗橫。預知末後歸家之義。猶恐宗橫不明。週天妙用。再說指南偈曰。

佛在靈山講妙經。五千餘卷度衆生。泄盡天機留一着。不肯說破定南針。子時觀看定南針。一陽初復清風昇。煉性即如貓捕鼠。巍巍不動會六神。丑時觀看定南針。二陽來臨濁氣分。金蟬却善金錢戲。觸動泥牛要翻身。寅時觀看定南針。三陽開泰正逢春。白虎興波而出洞。青衣童子笑吟吟。卯時觀看定南針。則見東方玉兔昇。萬里雲烟騰空散。一片金光照頂門。辰時觀看定南針。魁罡正位神存真。青龍興波出大海。駕霧騰雲上天庭。巳時觀看定南針。六陽已足炎熱生。子規不住聲聲叫。戲動龜蛇丑相親。

午時觀看定南針。陽極生陰火候均。猿馬半拴雙林樹。六賊緊鎖梵王城。  
未時觀看定南針。陽光漸遁微火烹。六神暢飲蟠桃宴。恰似羊羔跪乳情。  
申時觀看定南針。朝見瑤池壽長春。六個猴猿來獻果。滿天諸佛笑吟吟。  
酉時觀看定南針。沐浴池中煖溫溫。恍恍惚惚精神爽。金雞叫醒夢中人。  
戌時觀看定南針。寂寂靜靜守黃昏。獨坐寒室防賊侵。休教黃犬吠四鄰。  
亥時觀看定南針。猶如猪去過江心。來往波浪隨身走。逆轉黃河上崑崙。  
十二時針定指南。乾坤萬象此中全。有人識得先天意。要見如來也不難。  
却說老祖將十二時辰。悟這一竅指南正針。業經言明。猶恐宗橫不能細心研究。反復  
叮嚀曰。造化根源。開口寔難提。無爲妙道。誰人知詳細。不遇明師。怎聞佛真偈。意大心  
粗。自損虛靈。雖你至如今。得聞正法理。須要着意參悟。無爲機得免輪迴。時把真性提。  
登不夜天。常住不滅地。無生無死。真機真機。徒弟你可知無生真性否。宗橫曰。不知。祖  
曰。你既不知。可再思想明白話頭。宗橫半晌無言。老祖又問。宗橫你可尋得本來面目  
否。宗橫五體投地。懇恩求曰。仰沾祖師法慧。弟子愚蒙未晤。再祈開示。祖曰。你說修一

身之法。及至問你。又說不知。我曾比山比水。層層道破。還未醒悟。平人這色身。有成有壞。你爲何認假悖真。甘落下乘之法。習些口頭禪語。終爲肉眼凡夫。不明西來佛性。還是邪魔外道。你今雖受大乘正法。無有修証。難超生死界外。永陷沉淪。無垢子註心經解。有云。世間無佛可做。無衆生可度。無涅槃可証。既要學佛。過去心不思。現在心不存。未來心不著。無我無人。無衆生。無壽者。空空一切。自成正覺。你修道半生。落了頑空。將有用之精神。施於無用之地。又道說迷則千里難尋。悟則一竅歸根。你今道轉釋門。拜我爲師。大有可取之處。你跪下問妙玄。本是你真心發現。你開言問道德。本是你智慧開通。可見得修性煉命。真如撒地通天。一切萬物。皆從自性圓明中生。放之則彌六合。卷之則退藏於密。其味無窮。皆寔學也。宗橫叩頭謝恩曰。非師傅明明揭破。何能變濁爲清。今想前修有差。皆因違逆祖勅。不明自性法則。何以運轉河車。我今想來。真是可羞可愧。弟子今得明心見性矣。老祖曰。善哉善哉。你今大大醒悟。不愧吾門弟子。你名宗橫。我今與你改爲宗正。這個宗字。非同小可。本是祖家根源宗主。誰知你迷而不悟。以橫爲名。將祖家不二法門。亂扯橫行。不過真正口傳妙訣。焉能踐迹入室。今改



名一正字。明了先天正理。領了單傳正法。務須正己以化人。使後人認定宗源祖派。以好返本還原。而宗其正也。

宗橫改名爲宗正。得明正法妙蘊深。你今了悟真如性。方知從前錯用心。祖祖相傳佛心印。師師接承大道興。單傳正訣爾今領。無字真經最上乘。玄機道理寔要緊。未後一着不可輕。幸有奇緣得究竟。道轉爲釋本堪欽。不是爲師施憐憫。爾身何能出苦淪。從來三教道爲本。性與天道不可聞。存心養性遵孔聖。執中貫一幾人明。六經諸史治世論。大學中庸率性憑。修心煉性道祖定。抱元守一大根生。治世五千玄妙蘊。真訣不外清靜經。明心見性佛之本。萬法歸一理幽深。千經萬典爲憑證。最上一乘載心經。龍漢初劫四字命。先天龍華是燃燈。中天赤明六字命。釋迦奉命度原根。目前三會延康近。玄玄上人淚長傾。六萬餘年陽氣盡。不忍皇胎困東林。瑤宮傳下十字令。勅合彌勒普度興。諸佛菩薩作幫襯。要將九二度回程。會同諸仙下凡境。萬靈真宰化盡身。吾本西方佛果證。初奉佛命過東林。始度梁武遭玉棍。復度神光續祖燈。今遇宗橫改宗正。西來妙意細指陳。領我單傳遵我命。休學先前亂道心。懷抱天機須謹慎。慈航穩駕釣原

人。忠孝節義引歸正。好做佛子與佛孫。不久一花五葉盡。千門萬戶假混真。天地定位。萬靈正。普度團圓道果成。末後龍華逢末劫。斗牛宮內訪根生。有緣有分隨吾進。無緣墮落在紅塵。味者難行吾不論。知者常觀玻璃燈。初守一竅知定靜。收回六神到中庭。築基煉己次第進。方可採藥把丹昇。移爐換鼎知時正。文武火候老嫩分。沐浴溫養週天定。二六時中不留停。小週煉至大週定。三十六宮都是春。萬境俱寂圓明性。一塵不起大丹成。乳哺三年嬰兒嫩。面壁九載紀飛昇。一個週天都說盡。惟望知音功果純。待候丹書來詔請。靈山會上見娘親。九品蓮台賞一分。歷代玄祖盡超昇。九六同齊瑤宮進。龍華三會定品乘。上中下品依功定。功圓果滿坐蓮心。與天齊年無改更。逍遙快樂亘古存。縱然無功皈依正。不墮延康失正根。一卷法語包萬品。三教同歸不二門。言言道破真原性。句句開通祖根生。此是三期大把柄。祖師慈悲露後音。此書在處神護定。倘有穢污過不輕。有人得遇常恭敬。掃去災星福臨門。果能力行加功進。永証菩提萬萬春。

偈 達道通經號真詮。

摩訶揭諦度世間。

曰 寶秘一花並五葉。 卷包三千及大千。

西方佛祖傳妙經。華嚴海會悉遙聞。斗柄指南六陽盡。牛女會西萬靈興。普及鄉兒覓定靜。度海稍公了願心。生死輪迴齊拋盡。靈山極樂永不傾。

達  
摩  
實  
傳

#2  
343003